


QCC



**Taita Diosca,  
cai chuscu  
yachanacunata  
yachachunmi munan**

# 1

## Canca, quishpirinatami cangui

---

Taita Dios quishpichisha nicugpipish, tucui mashna juchayu cashcamantami, paimanta caruyashpa causacushcanchi. Romanos 3:23

Tucuimanta yallica, gentecunapa shungumi llullana, imapish mana alli yuyaicuna jundaca can. Ima shina cashcataca, pi mana yachanchu. Jeremías 17:9

Tucui ñucanchimi, millana ungüi japishca shina cashcanchi. Ñucanchi allita ruhuashcapish, mapa llachapa shinami cashca. Isaías 64:6

Tucui ñucanchimi ovejacuna chingarig shina, ñucanchi quiquin munashcata ruhuashpa chingarishcanchi. Isaías 53:6

Maijanpish mana cutin huacharigca, Taita Dios ima shina mandacugtaca, manata ricungachu. Juan 3:3

## **Shina cashcamanta**

### **Llaquirishpa, Taita Diosman cutiri**

Juchayu cashcamanta llaquirishpa Taita Diosman mana cutirishpaca, tucuillatami huañushpa, llaquita apanguichi. Lucas 13:3

### **Jesusta cri**

Apunchi Jesucristota cri. Paita crishpami, canpish camba tucui familiapish quishpiringuchi. Hechos 16:31

### **Taita Diosman camba juchacunata huillai**

Taita Diosca, shugllami tiyan. Taita Diosmanta gentecunahuan, gentecunamanta Taita Dioshuan parlagpish, shugllami tiyan. Paica, runa tucushca Apunchi Jesucristomi. 1 Timoteo 2:5

### **Apunchi Jesusta crishcata, gentecunaman huillai**

Taita Diospa ñaupapi mana juchanchishca cangapaca, tucui shunguhuanmi crina can. Shinallata quishpiringapaca, quiquin shimihuanmi Jesusta crishcataca huillana can. Chaimanta: “Jesusca, ñucata mandagmi” nishpa, camba shimihuan huillashpaca, shinallata huañushcacunapa chugpimanta Taita Dios Jesusta causachishcata tucui shunguhuan crishpaca, quishpiringumi.

Romanos 10:9-10

Sociedad para la distribución de las Sagradas Escrituras,  
3 Eccleston Street, Londres SW1W 9LZ

Impreso en Gran Bretaña

Quichua: Cañar FT

# 2

## Taita Dios mana quishpichigpica, canllataca mana quishpiri pudinguihu

Gentecunamanca, mana allipi purinaca alli ñan shinami ricurin. Ashtahuanpish chai ñanllatami huañuimanca apacun.

Proverbios 14:12

Maijanpish Moisés mandashcacunata tucui pagtachicushpapish, shug mandashcata mana pagtachishpaca, tucui mandashcacunata mana pagtachishca shinallatami tucun.

Santiago 2:10

Pipish Moisés mandashcacunata pagtachishpalla, Taita Dioshuan alli tucusha nishpaca, mana alli tucunchu.

Gálatas 2:16

Jesusca cashnami nirca: “Ñucami Diosmantata huillag, paipaman pushag, shinallata causaita cugpish cani. Ñucallamantami, Taita Diospaman chayangacuna.”

Juan 14:6

Cai pachapi causagcunata quishpichichunca, Jesusllatami Taita Diosca cacharca. Chaimanta ñucanchita quishpichingapaca, shugta quishpichigca mana tiyanchu.

Hechos 4:12

# 3

## Taita Diosca, canta quishpichisha nicunmi

---

Taita Diosca, cai pachapi causagcunata mai  
c'uyashpami, paipa shuglla Churita cai  
pachaman cacharca. Pipish paita crigca ama  
chingarishpa, huiñai causaita charichunmi,  
chashnaca cacharca. Juan 3:16

Tucui ñucanchimi ovejacuna chingarig shina,  
ñucanchi quiquin munashcata ruhuashpa  
chingarishcanchi. Chashna cagpipish Mandag  
Taita Diosmi, tucui ñucanchi juchacunataca  
paiman apachirca. Isaías 53:6

Apunchi Jesucristo mana juchayu cagpipish,  
Taita Diosca ñucanchi juchacunamantami  
llaquita apachun curca. Shina cagpica  
Jesusmantami, Taita Dioshuan alli tucunchi.  
2 Corintios 5:21

Jesucristoca, ñucanchita Taita Diospaman  
pushangapami, manapish juchayu cashpa,  
ñucanchi juchacunamanta shug cutilla  
huañurca. 1 Pedro 3:18

# 4

## Apunchi Jesusca quishpichishpa, ima llaquimantapish huacaichigmi

---

Mandag Taita Diosca paipalla  
causagcunataca, ima mana allipi  
urmanamantapish huacaichinmi.  
Ashtahuanpish paita mana cazugcunataca,  
taripana punzhapi llaquichingapami  
charicun. 2 Pedro 2:9

Satanás pandachisha nicugpipish, Jesusca  
chai llaquicunata apashpami atirca.  
Chaimantami ima millaipi ñucanchi  
pandarichunpish, mana saquina.  
Hebreos 2:18

Paimanta Taita Diosman cuchuyagcunataca,  
Jesusca quishpichicunllami. Paicunamanta  
Taita Diosman mañangapapish, paica huiñai  
huiñaitami causacun. Hebreos 7:25

Imatapish ruhuai pudig Taita Diosmi,  
cancuna ima millaipi urmachunca, mana  
saquin. Shinami cancunataca, ima  
millaimanta chuyayachishca, cushillata paipa  
sumaimana achiglla ñaupamanca pushanga.  
Judas 24